

մաթիվ հարցեր, Գիտական դարձանալի հոտառությամբ առանձին վիժագիր բեկորների միջոցով Ս. Բարխուդարյանը առաջին անգամ համոզիչ կերպով որոշում է Հերմոնի կրթա-գիտական գարոցի տեղագրությունը կամ «էջմիածնի ավետարանի» գրչության վայրը, հայտնաբերում է պատմական Մղուկ գավառի Թանահատի վանքը կամ Բղենե նորավանքը, համոզեցնում է մեկնաբանում է մեխոն, արգան, դեմեքառ, կապիե, մեղունա և այլ տեղանուններ: Բազմի Թանգարանի բակում ընկած անհայտ տապանաքարի մի քանի կիսեղծ գրերից նա վերստեղծում է Համամ իշխանի տապանաքարը, որը սկզբնաղբյուրի բացառիկ նշանակություն է ստանում հայ-ազգանական ամենությունների ուսումնասիրության համար:

Հայագիտության և հայ արվեստի պատմության մեջուն երկերի շարքում իր ուրույն տեղն ունի Ս. Բարխուդարյանի ժամալուն մեկնագրությունը միջնադարյան հայ նարտարապետների, քարգործ-վարպետների մասին, որը հայրենասեր գիտնականի մեծարանքի տուրքն է անցյալի տաղանդավոր շինարարներին:

Սեդրակ Բարխուդարյանը իր վաստակաշատ կյանքի ուղին անցավ մաքուր խղճով և բաց ճակատով, սերունդներին կտակելով գիտական արժեքավոր ժառանգություն: Անխուշ գիտնականի սկսած գործերի ավարտումը և հրապարակումը լավագույն հավերժացում կլինի նրա պայծառ հիշատակին:

ՍՈՒՐԵՆ ԱՎԱԳՅԱՆ

ԱՎԱԴԵՄԻԿՈՍ Հ. ՄԱՆԱՆԴՅԱՆԻ ՀԻՇԱՏԱԿԻ ՀԱՎԵՐԺԱՑՈՒՄԸ

Ականավոր գիտնական-հայագետ, Երևանի պետական համալսարանի առաջին ռեկտոր, ՀՍՍՀ ԳԱ ակադեմիկոս Հակոբ Մանանդյանի հիշատակը հավերժացնելու նպատակով վերջերս ՀՍՍՀ Միևիատրների սովետը ընդունեց հատուկ որոշում, որի մեջ նախատեսվում է.

Հանձնարարել Երևանի քաղաքային ակադեմիկոս Հ. Մանանդյանի շիրմի վրա կանգնեցնել գիտնականի կիսանդրին և այն շենքի վրա, որ ապրել ու ստեղծագործել է Մանանդյանը (Տերյան, 82) փակցնել հուշատախտակ:

Բարձրագույն և միջնակարգ մասնագիտական կրթության միևիատրությանը և գիտությունների ակադեմիային հանձնարարվում է՝ Երևանի պետական համալսարանի պատմության ֆակուլտետում և ԳԱ պատմության ինստիտուտում սահմանել Հ. Մանանդյանի անվան մեկական ասպիրանտական թոշակ 110-ական ռուբլու չափով: